

ბ რ ძ ა ნ ე ბ ა

06 აგვისტო 2018 წ.

თბილისი

№ 101/01.

თბილისის სახელმწიფო სამედიცინო უნივერსიტეტში 2018-2019 სასწავლო წლის აკადემიური კალენდრის (ორგანიზაციულ-სამართლებრივი ღონისძიებების) განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის, თსსუ-ის წესდებოს მე-14-ე მუხლის, „საქართველოს ერთიანი ეროვნული გამოცდების ჩატარების დებულებისა და სახელმწიფო გრანტის განაწილების წესის დამტკიცების შესახებ“ 2011 წლის 18 თებერვლის #19/ნ ბრძანების შესაბამისად 2018-2019 სასწავლო წლის დაწყებისათვის აუცილებელი ორგანიზაციულ-სამართლებრივი საკითხების მოწესრიგების მიზნით:

ვ ბ რ ძ ა ნ ე ბ ა:

1. თბილისის სახელმწიფო სამედიცინო უნივერსიტეტში 2018-2019 სასწავლო წლის აკადემიური კალენდარი განისაზღვროს შემდეგი სახით:

ა) პირველადი ადმინისტრაციული რეგისტრაცია: **3 სექტემბერი – 15 სექტემბერი 2018 წ.**

ბ) მობილობის წესით ჩარიცხულ სტუდენტთა რეგისტრაცია: **10 სექტემბერი - 28 სექტემბერი 2018 წ.**

გ) სტუდენტთა შემოდგომის სემესტრული რეგისტრაცია: **3 სექტემბერი – 28 სექტემბერი 2018 წ.**

დ) შემოდგომის სემესტრის ხანგრძლივობა: **17 სექტემბერი, 2018 წ – 2 მარტი 2019 წ.**

ე) დიპლომირებული მედიკოსის საგანმანათლებლო პროგრამის XII (შემოდგომის) სემესტრის ხანგრძლივობა: **17 სექტემბერი 2018 წ – 23 თებერვალი 2019 წ.**

ვ) შემოდგომის სემესტრის საგამოცდო სესია: **9 იანვარი 2019 წ - 23 თებერვალი, 2019 წ.**

ზ) დამამთავრებელი გამოცდები: **2019 წ 10 იანვრიდან.**

თ) სტუდენტთა საახალწლო-საშობაო არდადეგები: **29 დეკემბერი, 2018 წ - 7 იანვარი, 2019 წ.**

ი) სტუდენტთა გაზაფხულის სემესტრული რეგისტრაცია: **25 თებერვალი, 2019 წ – 15 მარტი, 2019 წ.**

კ) გაზაფხულის სემესტრის ხანგრძლივობა: **4 მარტი 2019 წ - 24 ივლისი 2019 წ.**

ლ) დიპლომირებული მედიკოსის ამერიკული საგანმანათლებლო პროგრამის VIII სემესტრის ხანგრძლივობა: **25 თებერვალი, 2019 წ – 16 აგვისტო, 2019წ.**

მ) დიპლომირებული მედიკოსის ამერიკული საგანმანათლებლო პროგრამის IX სემესტრის ხანგრძლივობა: **17 სექტემბერი, 2018 წ – 18 მარტი, 2019წ.**

ნ) დიპლომირებული მედიკოსის ამერიკული საგანმანათლებლო პროგრამის X სემესტრის ხანგრძლივობა: **25 მარტი, 2019წ -16 აგვისტო, 2019 წ.**

ო) დიპლომირებული მედიკოსის საგანმანათლებლო პროგრამის XII (გაზაფხულის) სემესტრის დაწყების ვადა: **2019 წ. 25 თებერვალი.**

პ) დამამთავრებელი გამოცდები: **2019 წ. 10 ივნისიდან.**

ჟ) გაზაფხულის სემესტრის საგამოცდო სესია: **17 ივნისი 2019 წ – 19 ივლისი 2019 წ.**

რ) გამოცდები მედიცინის ფაკულტეტის IV-V კურსის კლინიკურ დისციპლინებში, ჯანდაცვის, ფიზიკური მედიცინისა და რეაბილიტაციის ფაკულტეტების II, III და IV კურსის, საექთნო საქმის ბაკალავრის III და IV კურსის და V საფეხურის უმაღლესი პროფესიული პროგრამების (მილევადი რეჟიმი) II და III კურსის დისციპლინებში ჩატარდეს კურაციული მეცადინეობის დასრულებიდან ერთი კვირის ვადაში დამტკიცებული საგამოცდო ცხრილის მიხედვით, განმეორებითი გამოცდები - შესაბამისი სემესტრის სასესიო პერიოდში.

ს) გამოცდები სტომატოლოგიის ფაკულტეტის III და IV კურსის არაპროფილურ კლინიკურ დისციპლინებში ჩატარდეს კურაციული მეცადინეობის დასრულებიდან ერთი კვირის ვადაში დამტკიცებული საგამოცდო ცხრილის მიხედვით, განმეორებითი გამოცდები - შესაბამისი სემესტრის სასესიო პერიოდში.

2. სათანადო საფუძვლების არსებობისას, რექტორის ინდივიდუალური ადმინისტრაციულ-სამართლებრივი აქტით შეიძლება განისაზღვროს ამ ბრძანების პირველი პუნქტით დადგენილისაგან განსხვავებული ვადები.

3. სტუდენტთა სავალდებულო ადმინისტრაციული და აკადემიური რეგისტრაცია (შემდგომში რეგისტრაცია) განხორციელდეს ამ ბრძანებით დადგენილ ვადებში.


4. საქართველოს განათლებისა და მეცნიერების სამინისტროს შესაბამისი ადმინისტრაციულ-სამართლებრივი აქტით უნივერსიტეტში სწავლაზე უფლებამოპოვებულ პირთა თსსუ-ში ჩარიცხვის წინაპირობაა პირველადი ადმინისტრაციული რეგისტრაციის გავლა. რეგისტრაცია ითვალისწინებს უნივერსიტეტის შესაბამისი ფაკულტეტის სამდივნოში შემდეგი დოკუმენტაციის წარმოდგენას:

ა) განცხადება უნივერსიტეტში ჩარიცხვის თაობაზე;

- ბ) სრული ზოგადი განათლების დამადასტურებელი დოკუმენტი ან ამ დოკუმენტის ნოტარიულად დამოწმებული ასლი;
- გ) სამხედრო აღრიცხვაზე ყოფნის დამადასტურებელი დოკუმენტი (ვაჟებისათვის).
- დ) ოთხი ფერადი ფოტოსურათი (3X4);
- ე) პირადობის მოწმობის ასლი;
- ვ) სწავლის საფასურის გადახდის დამადასტურებელი დოკუმენტი.

შენიშვნა: არასრულწლოვანი აბიტურიენტის ნაცვლად უნივერსიტეტთან ხელშეკრულების გაფორმება შეუძლია მშობელს, რომელიც წარმოადგენს შვილის დაბადების მოწმობას (ასლს).

- 5. უნივერსიტეტის ყველა სტუდენტი ვალდებულია გაიაროს სემესტრული რეგისტრაცია – ადმინისტრაციული (სწავლის საფასურის გადახდა) და აკადემიური (საგნობრივი) - `სასწავლო პროცესის მართვის სისტემის` საშუალებით.
- 6. სტუდენტი, რომელიც არ გაივლის რეგისტრაციას წინამდებარე ბრძანებით დადგენილ ვადაში, არ დაიშვება სასწავლო პროცესზე. სასწავლო პროცესში თვითნებურად მონაწილეობის მიღება არ წარმოშობს მის უფლებას მოითხოვოს შეფასების აღიარება.
- 7. სახელმწიფო გრანტით ნაწილობრივი დაფინანსების მქონე სტუდენტებმა სახელმწიფო დაფინანსებისა და სწავლის საფასურს შორის არსებული სხვაობა უნდა დაფარონ ადმინისტრაციული რეგისტრაციისათვის დადგენილ ვადებში;
- 8. კონტროლი ამ ბრძანების შესრულებაზე დაევალოს ვიცე-რექტორს ხ.თოდაძეს.
- 9. ბრძანება დაეგზავნოს ვიცე-რექტორებს, ხარისხის უზრუნველყოფის სამსახურს, გამოცდებისა და უნარჩვევების შეფასების ცენტრს, სასწავლო პროგრამების მართვის, შეფასებისა და სტუდენტთა რეგისტრაციის დეპარტამენტს, ყველა ფაკულტეტის დეკანატს, ეკონომიკურ დეპარტამენტს, ყველა სასწავლო დეპარტამენტს.
- 10. წინამდებარე ბრძანება ძალაშია ხელმოწერისთანავე.



პროფესორი ზურაბ ვადაჭკორია

რექტორი